

09.03 PROFIL

Beat Manetsch: «Picturar in Carigiet n'è betg grev»



En stiva da Beat Manetsch savuri da serpentin. Dapi sia pensiun sa deditgescha l'um da televisiun a la pictura e returna uschia tar sias ragischs, la scola d'art ch'el ha frequentà a Basilea. Quella scolaziun saja stada la meglra preparaziun per far televisiun – quai è numnadamain quai che Beat Manetsch ha fatg durant bunamain 40 onns. Cun sia fatscha innocenta ha el fatg ir si per las paraids ils politichers grischuns durant ses temp tar l'emissiun satirica «Muschkito» dals onns 90. En la partiziun da la cultura populara a Turitg tar SRF ha el bainbaud purtà titels sco «Mister Fasnacht» e «Mister Tattoo» ed el era responsabel per las «grondas kischtas». In culp da tscharvè ha finì la carriera tar la televisiun pli baud che pensà – ma Beat Manetsch ha plans, da la creaziun d'ina app fin tar in viadi senza destinaziun. En quest «Profil» recapitulainsa a chaschun da sia pensiun sias aventuras tar la televisiun e discutain davart sia passiun per dronas, colur d'ieli e la garda americana.

Redacziun: Anna Serarda Campell